

眼無有想念不以想念可見如來文殊師利告曰如族姓子今者所念無有如來亦無經

典無見無養如辯積意所趣云言寧可講說

分別言辭諸佛如來衆生往來供養奉事悉假文字字自然空以故平等此之謂也如來無言無本無轉悉自然空謂此二事悉平等

矣如來無言無本無轉其堪任者可共俱進

不肯者已吾當獨往

無形而現形亦不住於色欲以開化衆現身而有教佛者無色會亦不著有爲皆度一切數導師故現身

十九末

諸佛要集經卷上

莫六

忽忽
七江反
宴
上於見
叵
不可也
鎧
苦愛苦
蟲
美期反
蠻
中量大者
理義也
起
下反
殃
殆
待
牀
榻
小
蛟
音文
恪
苦各
反
誼
藥
憐
怕
上
著
直
藥
憐
怕
上
風牛列
一
莫七

諸佛要集經卷下

西晉三藏法師竺一法護譯

於是文殊師利飢虛於法而無厭倦獨已無侶佛神所制使彼衆會無一從者文殊師利如伸臂頃須臾之間從忍世界忽然不現至普光土天王佛所於時文殊師利皆遶三千

風牛列
一

大千世界至于七而稽首諸佛却住一面爾時天王如來右面有一女人名曰離意結加趺坐以普月離垢光明三昧正受時天王佛心自念言文殊師利諸佛所嘆深入忍辱行於空慧無能逮者空靜寂寞以爲功勳今從忍界興心念來墮大顛倒極受吾

奔走之兒謝靈運同下魚繁反詎一謔也與豆然古
反翦字疵疾斯

我而有所趣當退立之鐵圍山頂由是之故令講無極深妙之法當爲將來諸菩薩衆顯大光明所以者何諸佛之法不可思議巍巍無量深不可逮文殊師利博聞第一道慧超殊如十方空常令住於鐵圍山頂爾乃發起一切衆生

天王如來告文殊師利曰來至於此欲何所觀文殊師利曰唯然世尊我在忍界心自念言諸佛興出甚難得值講說經法亦復難遇十方諸佛不可稱數億百千載悉來集會普光世界宣佛要集法吾當往詣見諸如來聽所說法以法故舉詣此佛土

天王如來即如其像三昧正受而現神足移文殊師利自然立於鐵圍山頂不自覺知誰爲舉著於此山頂於彼自念今何變怪吾在大衆巍巍難量威神殊絕處諸大聖嚴淨道場忽至於此住鐵圍山頂誰之所爲尋即知之天王如來之所興變文殊師利復自念言

此何端應而有此變於大衆會自然住此離意女人坐於天王如來之右不徒彼女獨移我身又彼女人將無德本純淑無侶深入法忍懷持無底踰於我乎所以者何不遣彼女反遷我矣文殊師利復言今顯神足威神變化無極聖慧示其道力還復衆會即如其像三昧正受而現神足發意之頃越于東方金沙佛土不能捨遠彼佛世界大如毛髮況入佛會未之有也

於時文殊師利復至十方無量世界作其威勢道力之變不能還復入諸佛會所以者何諸佛威神之所建立文殊師利普至十方無

莫七

央數億百千垓土尋復還住鐵圍山頂自思惟言諸佛世尊所立聖旨威神無量道慧高遠不可攀踰吾之神足所不能及不可作力與講神足所以者何諸佛說法終不虛妄獨步十方而無儕匹悉是我身之不及耳至使不得聽受說法諸如來法未曾相枉諸佛等

心向於衆生寧可於此鐵圍山頂修四意止定意正受文殊師利又心念言何謂意止謂無有意不念諸法諸法無處亦非無住以何無住無處所故如是誰爲究竟暢本末遣諸法乎所可住處亦無所住是爲住處是四意止住無所住所謂無意亦無所念文殊師利遵修於是四意止時四萬二千諸天子等徃到其所稽首足下兩天華香供養文殊師利遷住一面

時有天子名光明幢問文殊師利向者何定修何道行這興起乎文殊師利答曰天子於今及問我言以何等定而遵修行今乃興起所行定者諸佛大聖所不得處聲聞亦然以是定意而遵修行因斯所行使諸衆生憤怒癡俱吾奉此行時光明幢天子問曰其行何類諸佛大聖所不得處答曰行空無相無願諸佛大聖所不得處天子又問諸佛大聖所不得處於今仁者修此行乎文殊師利答曰

假使有行吾當行之向者所行永無所行何者然乎一切諸法悉憺怕故向天子問以何等定而遵修行修四意止天子又問何謂意止一切諸法無意無念天子又問假使無意無有念者何有行乎文殊師利答曰無意無念爲第一行其惟此行爲平等行其行平等則無偏黨其無偏黨則無五趣其無五趣不見癡本其無癡本不生慧明不生慧明者則無所起其無所起則無所懷其無所懷則無律儀其無律儀則無所成其無所成則無所壞其無所壞是則名曰本末清淨是賢聖行永離塵勞又問文殊師利所謂塵勞爲何謂乎文殊師利答曰其識退轉樂于佛慧是謂塵勞受于思想而計有身有所依倚而興思惟憍慢自大有所依慕希望誓願校計稱量量度遠近思惟觀察念應不應除去貢高而計斷滅心念有常於無所受受止宿處而歸所見取於所有受無所有乃至放逸思惟調

戲稱量其心欲至平等計如是行於聖法律皆爲塵勞時光明幢天子讚曰善哉善哉文殊師利快說斯言乃能以此四意止行

文殊師利尋告之曰無得妄想於諸名色悉無所生亦無所成復無現在亦無言辭假使隨時說諸法無住亦無不住反稱善哉又復

天子不說意止則不可說亦無能講令辭所趣所以者何一切諸法悉無所說欲宣諸法不可分別未曾有教各各隨時而開化之時光明幢天子問文殊師利向者所說順從一切愚癡凡夫所住處所行姪怒癡住於此行而復興起愚癡凡夫爲住何所行姪怒癡文殊答曰愚癡凡夫住無所有行姪怒癡立在法界處於本際而住無本所以者何天子當知法界所在不可分別亦不可說無本本際亦復若茲天子又問所言本際爲何謂乎文殊師利答曰衆生之源名曰本際天子又問衆生之源爲何謂乎文殊師利答曰生死

莫七

之本爲衆生源天子又問於彼何謂爲生死本文殊師利答曰虛空之本爲生死源猶如天子虛空之界本際無斷無有邊岸不長不短不麁不細不廣不狹不遠不近無方無圓其虛空者假有名耳亦復無名一切諸法亦復若斯猶如虛空但假有名亦如虛空不生不壽不病不老亦復不死亦無往生無有妄想不懷瞋恨亦無所失亦無所不失悉無所著不懷憂慼一切諸法皆爲歸趣此一本際亦無所歸無有計數天子當知一切諸法無進無退無合無散不可憊常無處所是故天子一切諸法爲無處所無所志願無將不將無有科律是爲一切諸法悉等而無偏黨故曰無本本無如是說此語時諸天子衆悉皆逮得無所從生法忍時諸天子住於法忍則行恭恪便兩天華供養於文殊師利文殊師利威神所感諸華皆住於虛空中無執持者猶如根生

文殊師利告光明幢於天子意所志云何今此諸華依因何住天子答曰無所依住文殊

師利告曰是故天子當知諸法住無所住如虛空住如空無動不墮不搖無念無想所以者何一切諸法等如虛空是故無動不墮不搖時光明幢天子白文殊師利仁者神足巍

莫七

五

巍乃尔不可稱限發意之頃至於十方無央數億百千佛土尋即復還文殊師利答曰諸佛不得神足變化威神無量諸聲聞等亦不能及所以者何道慧無際尚不得聞安能逮耶一切愚癡凡夫之士所逮神足一切諸佛諸菩薩衆及諸聲聞於無央數阿僧祇劫所

不能得亦無逮者亦無當得一切愚癡凡夫之士獨能得耳爲何所得得我人壽及命意識斷滅計常得姓怒癡諸佛世尊所不得者所謂得者道所不興無所生者而反使生是故天子一切愚癡凡夫之士所可得者諸佛菩薩弟子緣覺所不能逮佛說是諸佛要集

時各還本處於是天王如來心自念言吾可現應使文殊師利還詣此乎

時天王佛則捨神足從其右掌演紫金光其明照於文殊師利遶之七匝於文殊師利頂上不現文殊師利尋即知之天王如來念欲相見文殊師利因告光明幢天子曰當往俱至天王如來稽首作禮諮詢受所問深妙之義今說法門天子答曰善哉行矣宜知是時文殊師利發意之頃光明幢天子俱從鐵圍山頂忽然不現尋住天王如來之前稽首足下右遶三匝退住一面叉手恭立十方世界諸天子等亦復如是

文殊師利白天王佛若善男子及善女人俱植德本修深妙法不當懷疑成己法器一切蒙恩所以者何見諸大聖德踰龍象又諸大聖既共會焉吾在於外不得預數離於如是深妙法義其離意女身續獨存專坐於斯而不動移不見退去如我見違咨嗟如此無極

微妙經典之要我反徙住鐵圍山頂吾自憶
念一旦食頃遍至東方不可計會江河沙佛
土稽首諸佛聽所演法執持在心啓問諸佛
解決所疑未曾識念而見發遣處他佛土諸
佛世尊察我志操尚復相勸頌宣經道於今
大聖反徙我著鐵圍山頂因此興發無極法

莫七

六

教多所歡悅咸共渴仰飢虛道化若干法教
其心元元欲覩如來而發念言以何等故獨
徙我身捨於衆會其離意女安然不出復更
念言如來至真所演經教不見侵枉心非不
受是我不及彼所說法非其器故以故相移
住於此耳獨不徙女

天王如來報文殊師利諸佛世尊所宣經道
仁者於彼靡不應受又諸佛世尊道慧玄殊
不可攀逮以是之故不可如常一等如意演
諸佛要集又文殊師利向者從忍世界發起
來時心自念言今普光界講佛要集經典之
義我當往至稽首諸佛聽所演法當尔之時

墮大艱難在無極倒不順思想從彼刹來欲
得見佛聽所說法則以三事自著里礙懷抱
此意至斯佛土何謂爲三一得已身二得諸
佛三逮諸法文殊師利當知不可倒行致諸
菩薩無礙慧行於文殊師利意所趣云何從
古以來頗有能覩見如來乎如來寧可復觀
察耶文殊師利白佛唯然世尊真諦觀法無
有諸佛及與諸法一切諸法悉無所生如來
無見不可覩佛所以者何一切諸法悉無所
見時佛復問文殊師利以何等眼通暢之行
欲見如來以何等耳清徹諸義欲聽如來所
說經典文殊師利默然無言於時彼會餘菩

莫七

七

薩衆各心念言文殊師利實不堪任答報如
來所問法義所以者何如來向者有所難問
默而無言

天王如來知諸菩薩心之所念告諸菩薩止
族姓子莫觀文殊師利想言不及所以者何
解深法忍權慧悉備靡不通達智踰虛空默

然不言以報如來諸菩薩問唯諾世尊以何等意究暢慧義發遣此問

世尊告曰是族姓子文殊師利心自念言設我報說有此眼耳有所見聞則計有常若復說言無眼無耳則墮斷滅其行斷滅及計有常不曉了法其如法者彼無斷滅不計有常矣其不斷滅不計有常則無所生其無所生則無言辭以故文殊師利見所難問默而無言則爲答佛說是語時六百菩薩尋得無所從生法忍

爾時世尊告文殊師利仁以三事著於毘琉璃意女身獨存不出是離意女普月離垢光明三昧而正受矣心永無念諸佛來至若不來耶爲說經法若不說乎永無佛想亦不想法無彼我想蠲除一切諸念妄想女住此定普聞十方無央數妓百千億載現在佛土諸佛說法而無所著所可聽受爲他人說又此

女身不從此刹到他佛土在諸刹土無刹土想處於諸佛無諸佛想聞所說法無經法想無吾我想無他人想猶月宮殿未曾動移下於人間光明普照靡不見者月之所照不忘遠近亦不想念我當照其若不照也此女如是住三昧定現於無量無際世界度脫開化無數衆生所可顯現諸佛國土不想衆生等說經典佛於一劫復過一劫咨嗟歎此離意女德不能盡暢得其邊際其女功勲不可思議巍巍若斯文殊師利白佛其此佛土諸菩薩衆億百千妓諸佛會時徒諸菩薩著他界乎如我見遣耶

莫七

佛言且默文殊師利無得稱限如來聖慧亦勿平相如來變化之所建立所以者何此文殊師利三千大千世界充滿諸佛猶如竹蘆甘蕉稻麻叢林諸如來集其數若斯於此刹土諸菩薩衆天龍鬼神捷背憇阿須倫迦留羅真陀羅摩休勒人與非人無一見者唯見

於吾一如來身亦復不聞諸佛說法但見吾
身班宣道化文殊師利且觀如來至真之所
建立神足變化不可稱限其身微妙諸佛充
滿三千大千世界靡不周遍諸菩薩衆則以
道眼見一如來豈況餘人欲得見乎未之有
也諸天龍神捷脊惄等及人非人遊此三千

大千世界周旋往來正坐卧寐寂寢憺怕威
儀禮節所行齊整亦不妨礙諸如來身無有
限齊是故文殊師利當造斯觀諸如來等則
爲法身無有色像佛身無漏諸漏已盡亦無
有身觀之無類無生無起無見無聞無意無
處亦如虛空無有諸漏無因緣貌無像無見

不可捉持欲覩虛空而不可見無有五眼何

謂五眼一曰肉眼二曰天眼三曰慧眼四曰
法眼五曰佛眼其虛空者假有名耳其如來
身亦復如是無漏無色亦無見者無有貌也
無見如來佛無五眼如來至真假有名矣則
無所應文殊觀此諸如來衆禪定變化身如

莫七

九

虛空而反隨時示現色身三十二相八十種
好文殊師利向者所見諸如來身悉是諸佛
威神建立之所感動所以者何用仁者故當
顯無極深妙法教時彼佛土諸會菩薩異口
同音舉聲讚曰至未曾有驚喜悅豫諸佛世
尊威神變化巍巍若此十方如來皆來會斯

充滿佛土吾等菩薩不見一佛不憶形響誰
來誰去何所解說分別經義但共見此一如
來算唯願大聖今見大乘無極聖慧一一人
故恒邊沙劫地獄見煥行菩薩道宜忍此患
不當違捨如是比慧文殊師利問天王佛今
此女子發無上正真心已來久如所行寂寞

誓願高遠定意若斯

佛言發無上正真道意已來不可計也勤彷
彿信常無放逸施戒忍進一心智慧具足佛
道所作已備隨諸佛教於過去佛植衆德本
供養無數億百千垓諸大聖尊文殊師利今
此女子從三昧起仁可問之發道意來爲能

父如當見發遣

於是文殊師利聞佛教詔即從座起到其女所至心彈指聲揚大音欲令女起其女寂靜三昧不興文殊師利即如其像變無限身益高彈指其彈指聲聞於十方無數世界女亦寂靜不從定起於時文殊師利即如色像三昧正受現大神足三千大千世界所有衆生世間人民諸天龍神捷沓怨等億百千妓一切妓樂不敢自鳴及復化作琴瑟箏笛萬種之妓俱時同作演柔軟音清明和雅悲哀之聲其樂各各宣無數響徹聞十方無量世界不能令女從三昧起時於十方今現在佛邊諸侍者各各問佛今日何故諸大樂音無數無量清和之聲聞諸佛土其音柔軟悲哀之曲莫不欣然

於時諸佛各謂侍者有族姓子普光世界天王如來其土有女名曰離意在佛右面普月離垢光明三昧而正受矣有一菩薩名文殊

十

師利被大德鎧過不退轉欲令此女從三昧覺故感動如此諸世間人天龍鬼神捷沓怨等若干妓樂億百千妓俱自然作諸化妓樂亦復如是不敢自鳴欲令此女從三昧起不能使興以是之故諸大音樂普遍世間侍者白佛至未曾有不可逮及此女三昧寂然巍巍不可稱限如是比像若干種樂清和之曲女續三昧而不興焉

諸佛告曰如族子之所言也此女三昧不可思議說是語時十方無量不可計會衆生之類皆發無上正真道意各歌頌言願令我等逮得如是寂定三昧如今此女獲致神足無極變化聖通徹暢如文殊師利

時文殊師利復如其像三昧正受變三千大千世界須彌山王雪山黑山目鄰山大目鄰山鐵圍大鐵圍山展轉相搏不能自安譬喻如勇士以大勢力兩掌相拍亦如大雷音聲暢逸無不聞者須彌鐵圍諸山如是展轉相竅

莫七

各各崩落諸山辟地其形可畏其聲甚悲又
彼大聲聞於無量無際世界其女三昧亦不
移興時文殊師利不近彼女以權方便兩手
牽女欲令起坐乃動下方江河沙等諸佛刹
土不能移女大如毛髮亦不能令從三昧興
加復興顯一切勢力欲舉彼女江河沙等諸

莫七上

佛刹土皆拔反仰不能令女從三昧興文殊
師利截斷其女所坐地處舉著右掌挑擲梵
天復在梵天天上地坐不能令女從三昧興
於時文殊師利復從梵天舉其女身著其右
掌過於東方恒沙佛土南西方四維上下
各江河沙等諸佛刹土亦復如是十方刹土
衆音妙樂悉鳴諸山崩落音聲可畏兩諸天
華其響暢逸無可爲喻不能令女從三昧興
於時文殊師利舉女投擲遍於十方不能令
覺還安故處又手前白天王如來唯然大聖
諸菩薩行至未曾有不可逮及思惟稱量吾
能令變虛空諸器起立周旋來談語於今

顯現無極神足變化感動揚大音聲崩毀須
彌鐵圍諸山拔諸佛土移十方界求不能使
從三昧起吾當謙恭爲女作禮及復餘學大
士之衆諸族姓子族姓女初發無上正真道
意者已成未成甫欲學者慕樂如斯無極大
慧亦當歸之所以者何菩薩所行不可攀踰

文殊師利舉離意女至於十方諸佛刹土周
旋往來所感動聲不能令女從三昧興當爾
之時開化十方無數衆生令發道意不可限
人成衆德本

天王如來報文殊師利誠如所云菩薩大士
所被德鎧不可思議一切聲聞若與緣覺所

不及知況復凡庶所能逮乎猶如三千大千
世界成爲大鼓別異世界鼓大亦如其故乃
爾廣長無量時彼忽有大丈夫現其身高大
如三千世界舉一大桴如千世界於是女前
撾此大鼓具足一劫若復過劫不能令女耳
聞音聲況復欲使從三昧興未之有也文殊

師利欲知此女三昧寂定靜安終不興移道
慧如是威德無限文殊師利問佛誰能堪任
感動此女從三昧興

佛報文殊師利唯有如來能令興起復有菩
薩名棄諸陰蓋亦能使興佛適發此族姓子
名德之勲三千大千世界六反震動天王佛

莫七

土

邊有一菩薩名曰燈明王爲佛侍者前問佛

佛告侍者向者適歎棄諸陰蓋菩薩名故三
千大千世界爲大震動又及他方諸佛刹土
諸如來等所在方面歎斯名者其地亦復六
反震動時會菩薩皆懷飢虛欲得見於棄諸

莫七

十三

真之義并使此女從三昧興開示不及
時燈明王菩薩大士問天王佛其族姓子爲
在何方何佛刹土其土如來所号爲何
其佛報曰下方過此江河沙等諸佛刹土界
名錦幢其佛号曰師子鷲象頂吼如來至真
等正覺現在說法彼之佛土純諸菩薩被大
德鎧不可思議具足充滿於其刹土如來恒
宣不退轉輪乘諸陰蓋菩薩大士遊於彼國
天王如來自在其座右足大指演金色光其
光名曰請諸菩薩適放此明照於下方江河
沙等諸佛刹土其明則曜棄諸陰蓋菩薩之
身遶之七匝於頂上沒棄諸陰蓋菩薩自念

陰蓋菩薩所在文殊師利亦復俱然
文殊師利見諸菩薩心之所念亦自敬樂欲
令女興白天王佛善哉世尊願垂威光一切
會者悉懷渴仰咸欲得見棄諸陰蓋菩薩大
士如來普愍唯顯神足無極道聖使族姓子
詣斯佛土講演深法諸菩薩聞因當習學至

今何以故柔軟清和無極光明遶吾七匝沒
其頂乎尋即知之天王如來快欲相見時便
往詣師子鷲象頂吼如來所贊首足下白其
佛言欲詣上方普光世界天王佛所今彼如
來欲得相見佛言往族姓子宜知是時
師子鷲象頂吼如來邊有菩薩名衆告義爲

佛侍者前白佛言我等欲見普光世界及天

王如來師子鷹象頂吼如來至真正覺則悅可之尋時演出眉間相光照於上方江河沙等諸佛刹土通普光界悉共遇見天王如來諸菩薩衆眷屬圍繞而爲說經佛身獨顯如紫金山其佛光明踰日月明猶明眼者對觀人面悉了了分明一切衆會見天王佛亦復如斯及諸菩薩時棄諸陰蓋菩薩與五十萬菩薩沒彼佛土發意之頃至普光界天王佛土棄諸陰蓋與諸菩薩偏出右肩禮天王佛頭面白歸繞之三匝退住虛空時諸菩薩解了諸身三昧正受棄諸陰蓋即如其像面現瑞應顯示神足空中散華斯墮如雨其華皆散天王如來前後左右此華暢音說微妙義

師子鷹象頂吼如來至真正覺敬問無量聖體康寧進止輕利勢力安耶時彼衆會怪未曾有誰之威神令此衆華出柔軟音宣傳意敬文殊師利問天王佛唯然世尊誰之聖旨

雨此衆華演微妙音

佛報文殊師利棄諸陰蓋菩薩威變又問世尊今爲所在佛言在上虛空中解了諸身三昧正受又問諸菩薩衆何以不現佛言棄諸陰蓋菩薩威神使不得現文殊師利心自念言吾當以是三昧正受求諸菩薩爲在何所

棄諸陰蓋菩薩即知輒便沒形而謂文殊師利於意云何唯有是一解了諸身三昧定乎莫造斯觀解了諸身三昧定數不可稱限向者三昧如大海中別一滴耳我身諸定三昧坐興不可稱載仁者造來所未聞名文殊師利復自念言寧可思察吾本往世所修妙行

莫七

緣是必得成此三昧尋如所念即如其像一彈指頃具諸三昧

時天王佛告衆菩薩諸族姓子皆共觀斯精進之業而致超踰殊特之義諸餘菩薩億千劫勤行積德乃逮此定今者文殊師利一彈指頃輒悉具之文殊師利白天王佛唯垂

當現此諸菩薩衆會族姓咸欲見之棄諸陰
蓋與諸菩薩聾首佛足尋沒其身問文殊師
利寧相見乎答曰不見

天王如來告棄諸陰蓋菩薩取來衆會咸欲
相見當自現身及諸菩薩尋即受教與諸正
士菩薩之等從三昧興聾首佛足達之三而

退在一面如本所誓化作蓮華而坐其上於
是文殊師利謂棄諸陰蓋菩薩感此女子令
三昧起答曰且止虛空界者無有三昧亦不
興起又虛空者不可動搖向者文殊師利而
發此言感令是女從三昧起當以其名從定
起耶若以色乎爲以識耶計色自然不爲三

昧亦不正受亦無興起其識自然不爲正受
亦不興起一切諸法亦無本淨亦不正受無
所興起今我當興何所法乎假使文殊師利
諸法三昧吾當令興求無正受當何所興所
以者何一切諸法悉無興立亦無存亡

天王如來告棄諸陰蓋菩薩汝族姓子感此

女人從三昧起白佛我不堪任於如來前興
顯已功我身宜當覆藏至真如來應當感此
女人從三昧興正使我任能令此女從三昧
起如來至真普了諸法慧無罣礙隨時說法
靡不通暢應當令女從三昧起見佛道神莫
不欣悅皆發道意

時天王佛以興定意三昧正受適定意已應
時於彼三千大千世界諸天龍神及世間人
諸菩薩衆三昧正受者及興彼女皆從定起
適從座起十方尋時六反震動咸皆踊上住
虛空中當尔之時無數百千諸天來會女住
虛空僉兩青蓮紅黃白蓮供養如來

於是文殊師利問離意女至未曾有寂然之
行所得三昧不可逮及其女報曰文殊師利
且止勿懷妄想寂定三昧永無逮得所以者
何諸佛世尊所修道慧無所得也其有得者
則有所失諸法憺怕默然寂靜其寂靜者無
所復寂又其寂靜亦不三昧無有正受亦不

興起文殊師利答曰誠如女辭女之求定甚爲殊特設無微妙不逮三昧則有所得興發曠大無極音聲而不起耶女又問曰其法界者寧有三昧復興起耶文殊師利答曰不也女又問曰其不三昧可令起耶寧有色像比類貌耶文殊師利報曰設無形像比類貌者誰三昧乎其女答曰諸法本淨爲三昧也不復定意亦無所興是故諸法悉如呼響譬如諸天及世間人若干種樂寧能演出若妙音不曰如姊言又問其虛空界豈有此念今是妓樂暢若干種悲和音耶答曰不也是故文殊師利一切諸法等如虛空誰聞彼音若有

所思風不念是我入大樹而動搖之樹亦不念入我體裏菩薩如是恒常奉行摩訶般若波羅蜜慧悉除諸想不自念言我三昧定亦復不念從三昧起所以者何一切諸法悉本淨故

文殊師利曰姊宜當從虛空來下住如來前乃說此事其女答曰我立已行不用他行文殊師利問何謂已行其女答曰一切衆生皆因虛空所以者何衆生之類悉依虛空周旋往來衆生居業衣被飲食諸所興造不離虛空是故衆生自然遊空一切諸法虛空見印時女即從虛空來下退在一面蓮華上坐不禮如來亦不瞻謝

耳識乃得聞聲文殊師利問曰女無耳耶何以不聞乎女默無言文殊師利復問如是至三女默不報女又答曰不爲不聞又問何故默然其女答曰常無所得離意女復問文殊師利猶如文殊師利大亂風起而普流布入大樹裏無能見者爲何像類風無想念樹無

莫七

及如來尊無有二也當等觀之又問文殊師利見如來乎文殊師利答曰等觀之耳又問以何等觀文殊師利答曰無本等故以是等觀以無形像是故等觀吾之正觀平等如是其女又問如是等觀爲見何等答曰如是觀者爲無所見其女又問爲以肉眼無所見乎

莫七十七

答曰不以肉眼亦不天眼所以者何眼無所生亦無所起猶如幻化不有不無亦不當說有無之行文殊師利問其女曰於今何故不轉女身其女答曰文殊師利且止勿懷望想仁有慧觀達諸法者有男女乎答曰無也又問諸計於色者有男女乎答曰無也痛想行識有男女乎答曰無也地水火風有男女乎答曰無也虛空曠然無有邊際不見處所有男女乎答曰無也又問文殊師利所說文字本末有處所得男女乎答曰無也其女報曰向者何故而發此言於今何故不轉女身假使我已自得女處見於男女則捨女像當受

男形我不得女不見男子何因捨女成男子形計於諸法無合無散無本本際空靜虛空無合無散一切諸法悉如虛空當以何因轉於女像成男子乎所以者何是爲如來之所頒宣第一法教又問如來曰眼無男女耳鼻口身意亦無男女假使諸法無男女者無合無散則無男女文殊師利又問女曰汝發道意爲幾何乎其女答曰如幻師化神識所存吾發道意遠近亦然所以者何一切諸法悉如幻化向者文殊師利發此問言汝發道意爲幾何乎如是所悟非問之理所以者何無所生者不可令生亦不可知心之處所其無處所彼無所生亦無所滅文殊師利又問設如是者所遵何所應順智慧其女答曰無問無言是應智慧又復問曰何謂應順其女答曰其無所生則爲應順又復問曰女得法忍來爲幾何乎答曰無也又問女爲逮得無所從生法忍乎答曰不也又問何故答曰其無

所生則無所得以是之故不得法忍亦不逮成無所從生法忍文殊師利又問女觀何義被弘誓鎧發道心乎其女答曰一切衆生無滅度故是故菩薩發於道心修弘誓鎧又問何故答曰一切衆生及與諸法極滅度故云何文殊師利諸過去佛平等正覺不度衆生

莫七

十八

當來現在亦無所度所以者何一切衆生從虛無出文殊師利問佛以何因興現世間乎答曰欲使無造無所作故興於世所以者何遵修斯者無作不作文殊師利問何故出家受具足戒爲比丘乎其女答曰欲得具足五逆業故又問誰當信女如是言辭答曰不生今無所起無所懷者乃信此言耳又問以何信樂答曰以無所說謂之信樂又問其不樂說有何結礙答曰其不樂說說爲結礙文殊師利曰未曾有難及難及所演辯才而無墨礙其女答曰且止文殊師利勿造反行今處諸礙闇蔽衆前何因答嗟無礙之義又問

無說乎答曰無說是故我身無墨礙說又問虛空迥然有辯才乎文殊師利又問所言辯才爲何謂乎其女答曰無所生者謂辯才又問何謂無所生答曰無所生者謂遵修行順奉法界本際無本是謂修行又問文殊師利其不修行是遵修行又問何謂不遵修行答曰於三界行而無所行存於三界而無所處是所行者悉無所著文殊師利又問汝當久如成最正覺其女答曰如天王佛成最正覺吾亦如斯於仁者意所趣云何道可成乎得處所耶文殊師利則時默然其女重謂文殊師利宜當知時說不應嘿也文殊師利答

莫七

十九

曰道無言說以是之故不知云何

於時文殊師利白天王佛至未曾有天中之天此女慧明不可思議殊異之德無以爲喻今所宣暢巍巍如是發道意來其已久如後墨礙其女答曰且止文殊師利勿造反行今佛言在仁之前九十六億百千垓阿僧祇劫

遵修道行過若干劫文殊師利於後乃發道

意文殊師利問此女本從於何佛所發道意乎佛言從寶成如來興發道意寶成如來國土德淨不可稱限假使咨嗟恒邊沙劫不能究盡刹土之善功勲之快因從彼佛而發道意又問是女彼世之時爲女人耶答曰不也

爾時此女作轉輪王名曰無數文殊師利當

知此非女人亦非男子所以者何以逮曉了如幻三昧所欲能現隨時顯化文殊師利此女當更如三千大千世界地塵華實上塵更若干數百千阿僧祇劫當得無上正真道成最正覺号曰普光如來至真等正覺明行成

爲善逝世間解無上士道法御天人師爲佛世尊在大功德佛土之中亦如寶成如來至真土地所有嚴淨功勲此女亦然等無有異於是棄諸陰蓋菩薩白天王佛文殊師利多所饒益乃念過去當來諸法文殊師利答曰誠如仁言所可饒益不可窮盡由以法界不

可盡故

天王如來謂文殊師利仁者莫與棄諸陰蓋菩薩大士俱講辯才所以者何此族姓子所得辯才不可思議棄諸陰蓋所逮三昧正受若所興立仁者不及其三昧名号字云何時彼會中新學菩薩各心念言棄諸陰蓋不可

逮及普無等侶行如是慧

天王如來知新學心之所念告善調菩薩族姓子合三千大千世界人民爲一勇猛令如文殊師利計此衆生皆亦如斯不能逮及三昧百倍千倍萬倍億倍於百千劫不逮此女所獲三昧定者文殊師利不及知其名号假

莫十

十

使三千大千世界遊居衆生令得定慧如離意女皆不能逮棄諸陰蓋菩薩大士所無三昧定力聖慧百千億倍無以爲喻不能察知棄諸陰蓋菩薩之力之所興發正使十方一切衆生悉得定慧如棄諸陰蓋菩薩聖慧不及如來舉足下足舉動進止之所開化如來

聖慧不可思議巍巍如是不可思議時佛歎此諸佛慧德七萬二千人悉發無上正真道意異口同音各舉歎曰令我等身逮得聖慧亦當如是

彼時世尊告善調菩薩是離意女本勸文殊師利令發道意如文殊師利等東方世界如

江河沙等南方西方北方四維上下亦復如是悉女所化又族姓子棄諸陰蓋菩薩大士勸離意女使發道意八維上下各恒河沙等亦復如是所開化者如離意女等無差特今我於此得成佛道亦轉法輪本因族姓子亦勸化吾使發道意乃往久遠過去世時須彌播佛在世教化如我等類在於十方各江河沙等如來現在其滅度者不可稱限皆見開化適說此語三千大千世界六反震動箜篌樂器不鼓自鳴飛鳥禽獸相向悲鳴自慶鳥獸得值佛聖地獄餓鬼悉得解脫心中悅豫如冥覩明婦女珠環相對作聲當余之時莫

莫七

王

不欣慶說是法時普光世界九十二載諸天及人皆得無所從生法忍於是世界承佛威神悉聞斯法咸共勸助代其悅豫欣慶無量彌勒菩薩亦受此法益加恭敬於斯佛土聞是法者六十四億諸天及人皆發無上正真道意又七萬人僉復逮得無所從生法忍萬四千比丘意解漏盡五百比丘尼心解脫二千六百世間人民遠塵離垢諸法眼淨於是釋迦文佛告彌勒菩薩仁當受此經典之要於後末世少有信者唯以相付使得廣布彌勒白佛唯當受之如聖所教不敢違命此經典者若於後世所流布處若受持者德不可量若有菩薩供養過去諸滅度佛又見十方無極聖尊及諸發意建志學道方當學者悉令長存一切聲聞并與緣覺及其菩薩若有一人於當來世悉供養此諸如來一切施安過去當來今現在佛等奉無異福寧多不彌勒白佛多矣世尊吾聞此喻其心惆然

不識所趣其數浩浩不可稱計福無限量
佛言若有菩薩受是經法持誦誦讀爲他人

說得一反聞而悅信者福多於彼供養諸佛
佛語彌勒我今現在若滅度後假使女人聞
離意女名德之稱棄諸陰蓋菩薩之号天王
如來并此經法因聞斯經名德變化竟是一

世轉女人身得爲男子疾成無上正真之道
爲最正覺未成佛頃世世所生常值佛世棄
捐八難諸懷不閑常識宿命逮得揔持三十二
相莊嚴其身所在遊居不更胞胎常得化
生所以者何諸大正士威神廣大不可稱計
若有女人得聞其名然後亦當逮得如此功
勲佛說如是彌勒菩薩諸天人民阿須倫聞
佛所說莫不歡喜稽首作禮

諸佛要集經卷下

莫七

不徙下斯紫毛釐下力之反相枉下紓往撻失夾反竹籧下音之夜稻道旨教詔上古反孝下音

照導謂訓也相穀下直東反躋地觸也倒也
擲上土反桴音浮擊也鼓之槌過陟瓜反
擊也嘿默二同音墨挑